

Bosna i Hercegovina
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: T03 0 KTKV 0087374 21
Tuzla, 30.12.2021. godine

OPĆINSKOM SUDU
G R A Č A N I C A

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, **podizem:**

O P T U Ž N I C U

PROTIV OSUMNJIČENIH:

1. **BIJEDIĆ ENVER**, sin Jusufa i majke Hajre, rođen 2. 11. 1961. godine u Tuzli, nastanjen u Tuzli, po zanimanju diplomirani inženjer, sa završenim Rudarsko – mašinskim fakultetom, zaposlen u Parlamentu Bosne i Hercegovine, **neosuđivan**, nalazi se na slobodi.
2. **SUŠIĆ AMIR**, sin Šukrije, rođen 18.06.1962.godine u Tuzli, nastanjen u Tuzli, po zanimanju rudarski inženjer, doktor rudarskih nauka, **neosuđivan**, nalazi se na slobodi.
3. **MUJKIĆ DŽENAN**, sin Atif, rođen 08.01.1970.godine u Sarajevu, nastanjen u Gračanici, po zanimanju diplomirani pravnik, zaposlen u doo Granex Gračanica na poslovima direktora, a prokurista u firmi „Minning&Drilling“ doo Gračanica, **neosuđivan**, nalazi se na slobodi.
4. **MUJKIĆ ATIF**, sin Mehmeda, rođen 22.08.1944.godine u mjestu Malešići Općina Gračanica, po CIPS evidenciji nastanjen u Sarajevu, te na adresi u Gračanici, osnivač pravnog lica „Minning&Drilling“ doo Gračanica, **neosuđivan**, nalazi se na slobodi.
5. **TURSUNOVIĆ AMIR**, sin Ćamila, rođen 23.06.1974. godine u Tuzli, nastanjen u Živinicama, , po zanimanju magistar rudarstva, pismen, VSS, zaposlen u **Rudnik Kreka, predsjednik Nadzornog odbora pravnog lica “Rudnik soli” d.d. Tuzla, neosuđivan**, nalazi se na slobodi.
6. **ČAČKOVIĆ AZIZ** sin Asifa, rođen 21.03.1964.godine u Palanka-Brčko, nastanjen u Tuzli, po zanimanju diplomirani pravnik, penzionisan, obnašao funkciju VD direktora pravnog lica Rudnik soli „Tuzla“ d.d. Tuzla, **neosuđivan**, nalazi se na slobodi.

7. **HASIĆ ASMIR**, sin Rifata, rođen 29.09.1977.godine u Tuzli, nastanjen u mjestu Šerići Grad Živinice, po zanimanju diplomirani inženjer mašinstva, **neosudjivan**, nalazi se na slobodi.
8. **FEJZIĆ SUAD**, sin Hazima, rođen 23.11.1966.godine u Tuzli, nastanjen u Tuzli, po zanimanju diplomirani inženjer rudarstva, zaposlen u Rudnik soli „Tuzla“ d.d. Tuzla, **neosudjivan**, nalazi se na slobodi.
9. **ULJIĆ NERMIN**, sin Hamdije, rođen 11.07.1966.godine u Tuzli, nastanjen u Tuzli, po zanimanju magistar rudarstva, rudarski inženjer, zaposlen u Rudnik soli „Tuzla“ d.d. Tuzla, **neosudjivan**, nalazi se na slobodi.

ŠTO SU:

ENVER BIJEDIĆ, AMIR SUŠIĆ, ATIF MUJKIĆ, DŽENAN MUJKIĆ, AMIR TURSUNOVIĆ, AZIZ ČAČKOVIĆ, ASMIR HASIĆ, SUAD FEJZIĆ I NERMIN ULJIĆ

I.

1. U vremenskom periodu od septembra 2019.godine do februara 2021.godine u Gračanici, Srebreniku i Tuzli,

Mujkić Atif i Mujkić Dženan, kao osnivači i odgovorna lica u privrednom društvu Mining&Drilling doo Gračanica (u daljem tekstu: „Mining&Drilling“), i to Mujkić Atif kao jedan od osnivača i Mujkić Dženan kao prokurist, sa isključivo privatnim kapitalom, osnovano dana 04.07.2018.godine,

Asmir Hasić, kao službena osoba, bivši Ministar privrede u Vladi Tuzlanskog kantona u periodu 2019 – 2021.godina

Enver Bijedić, kao osnivač i predsjednik političke partije Socijaldemokrati BH i kao izabrani poslanik te stranke u Predstavničkom domu Parlamentarne skupštine BiH,

nakon što je Enver Bijedić od strane Mujkić Atifa i Mujkić Dženana podstreknut na učinjenje krivičnih djela propisanih Zakonom u Federaciji, svjestan da organizuje grupu ljudi čiji će članovi učestvovati u povremenom izvršenja krivičnog djela propisanog zakonom u Federaciji, što je htio, to i učinio tako da su grupi, kao njeni članovi u različitim vremenskim periodima, pristupili i u okvirima nje djelovali;

Amir Sušić, Amir Tursunović i Aziz Čačković, kao odgovorna lica u privrednom društvu Rudnik soli „Tuzla“ d.d. (u daljem tekstu: „Rudnik soli“) i to Amir Sušić i Aziz Čačković kao v.d.direktori a Amir Tursunović kao Predsjednik Nadzorog odbora, sa pretežnim državnim kapitalom i

Suad Fejzić i Nermin Uljić kao odgovorna lica u privrednom društvu Rudnik soli sa pretežnom državnim kapitalom – članovi Komisije za uvid u tehničku opremljenost ponudjača (dalje; članovi Komisije) po Tenderu za bušenje i opremanje istražno-

eksploatacionih bušotina B-82, B-83, B-103/IB-103K, B-41, B-50 i B-51, kao i kontrolno sigurnosne bušotine IB-5 (dalje; Tender) ,

pri čemu su svi oni bili svjesni i htjeli da budu grupa ljudi organizovana od strane Bijedić Envera i da kao članovi pristupe takvoj grupi, u smislu **člana 2. tačka 19. KZ-a FBiH**, te da zajedno učestvuju u počinjenju krivičnih djela **Primanje dara ili drugog oblika koristi za trgovinu uticajem iz člana 382, stav 2 KZ-a FBiH i Zloupotreba položaja ili ovlaštenja iz člana 383, stav 1 KZ-a FBiH**, a što su i htjeli, sve u cilju **pribavljanja koristi** Mujkić Atifu i Mujkić Dženanu te pravnom licu Mining&Drilling u vidu izbora kao najpovoljnijeg ponudjača u Tenderu i dodjele ugovora, iako su svi znali i bili svjesni da navedeno privredno društvo ne ispunjava tražene uslove Tendera iz tačke 7 koji su se odnosili na posjedovanje neophodne opreme sa kojom će se izvoditi radovi na bušenju i opremanju istražno eksploatacionih bušotina te potrebnog broja stručnih i kvalifikovanih osoba koji će biti angažovani na poslovima bušenja, te da su zbog neispunjenja traženih uslova trebali biti i isključeni iz dalje procedure i učešća prilikom provodjenja Tendera,

pa su tako,

Mujkić Atif i Mujkić Dženan:

nakon što je u periodu od **27.02.2019. godine do 20.05.2019.godine** u Rudniku soli obustavljena procedura izbora najpovoljnijeg ponudjača za eksploataciono-istražne bušotine na kojoj su učestvovali **Mining&Drilling** iz Gračanice i druga prava lica, stvorili kriminalni plan za učešće na budućim tenderima za izbor najpovoljnijeg ponudjača za izvodjenje radova na istražno-eksploatacionim bušotinama u Rudniku soli Tuzla koji bi uključivao angažovanje političkih osoba na prostoru Tuzlanskog kantona koje su upravljale svim procesima u Rudniku soli Tuzla, po kojem planu će bezrezervno njihova firma imati preferencijalni tretman kao ponuđač u odnosu na sve druge ponuđače,

pa su oni u septembru 2019.godine, preko svojih poznanika iz Tuzle, uspostavili prve kontakte sa uticajnom osobom Bijedić Enverom - osnivačem i predsjednikom političke partije Socijaldemokrati BH, koja politička partija je, putem svojih kadrova, imala odlučujući uticaj u upravljačkoj strukturi Rudnika soli, koji se odnosio na sve proizvodne i druge procese, te su **u periodu septembar – decembar 2019.godine u Gračanici** održali inicijalni sastanak, na kojem su **Mujkić Atif i Dženan**, svjesni da drugog sa umišljajem podstrekavaju na učinjenje krivičnog djela što su i htjeli, upućivanjem molbe, ubjeđivanjem i nagovaranjem da svojim političkim uticajem, kojeg ima na prostoru Tuzlanskog kantona i šire, pomogne da kod budućeg izbora kao najpovoljnijeg kandidata u Tenderu za izvodjenje istražno-eksploatacionih bušotina u Rudniku soli, njihova firma dobije preferencijalni tretman, pri čemu su prikazivali korist od takvog počinjenja krivičnog djela, kod **Bijedić Envera stvorili volju** da isti formira grupu ljudi, u kojoj bi učestvovali članovi upravljačke i uposleničke strukture Rudnika soli, te takodje i volju da isti posreduje kod takvih osoba da korištenjem svog uticajnog položaja te odgovorne osobe, suprotno Statutu i drugim pravilima društva, izvrše izbor pravnog lica **Mining&Drilling** iz Gračanice za izvodjenje takve vrste radova, na šta je **Bijedić Enver** i pristao te je to potvrdio na novom sastanku sa **Mujkić Atifom i Dženanom** dana 28.02.2020.godine u Gračanici, da bi nakon toga;

radi ostvarivanja takvog kriminalnog cilja **Enver Bijedić, kao naprijed opisani organizator grupe ljudi, svjestan da koristeći ovaj svoj društveni i uticajni položaj posreduje da odgovorne osobe u Rudniku soli i to v.d.direktori Rudnika soli, kao nosioci izvršnih ovlaštenja**

*i odlučivanja u postupcima nabavke izvođenja radova na istražno eksploatacionim bušotinama, te predsjednik Nadzornog odbora Rudnika soli kod odobravanja takvih odluka, izvrše ili ne izvrše neku službenu ili drugu radnju što je i htio, te da posreduje između gore pomenutih odgovornih osoba u privrednim društvima, i to između onih sa većinskim privatnim kapitalom prema onima sa većinskim državnim kapitalom, pri čemu su ovi drugi na te pozicije i došli kao kandidati gore navedene stranke, koje je on kasnije udružio radi činjenja krivičnih djela, koja stranka je imala političku moć i uticaj u vlasti Tuzlanskog kantona jer je činila koaliciju stranaka na vlasti, i kada je drugopomenuto privredno društvo imalo status ugovornog organa, nakon višestruko ponovljene tenderske procedure nabavke izvođenja istražno-eksploatacionih bušotina na prostoru Tetime Rudnika soli, čiji rezultat je morao da bude zakonito, pravilno i odgovorno postupanje kod izbora najpovoljnijeg ponuđača za izvođenje ovih radova, što je bio i neposredan interes privrednog društva sa državnim kapitalom, kojim interesom su se morali rukovoditi i sve odgovorne osobe u Rudniku soli d.d. Tuzla, pri čemu su te odgovorne osobe, za cijelo vrijeme, postupale isključivo u interesu gore pomenutog privrednog društva sa pretežnim privatnim kapitalom, te suprotno odredbama Pravilnika o nabavkama i Pravilnika o radu kao internih propisa, kojima je uređeno pitanje prava, obaveza i odgovornosti svih učesnika u postupku nabavke po takvim internim propisima, sa ciljem da u proceduri upravo i samo to društvo bude izvođač ovih radova, čija je ponuda u tenderskoj proceduri uvijek bila za više miliona KM skuplja u odnosu na druge ponudjače, čiji je jedan od osnivača Mujkić Atif dok je njegov sin Mujkić Dženan bio prokurista, koje privredno društvo bi u tom poslu ostvarilo korist u vidu njihovog izbora za obavljanje radova u višemilionskoj vrijednosti, **za koje radove ovo privatno preduzeće nije imalo potrebne ni materijalne i ni ljudske resurse, jer nije imalo ni svoja potrebna sredstva za ove radove, niti ljude uposlene i obučene da rade takvim sredstvima, niti je imalo kvalifikacije za takve radove jer predhodno nikada nije takve radove izvodilo obzirom na vrijeme registracije i dotadašnja angažovanja ovog privrednog društva**, za razliku od drugih ponudjača učesnika u ovom postupku nabavke, čime isto društvo nije bilo ni kvalifikovan ni kredibilan ponuđač za izvođenje ovih radova, kao i korist u vidu sticanja potrebnih kvalifikacija za naredne javne nabavke za vršenje bušenja istražno-eksploatacionih bušotina ne samo u BiH nego i u inostranstvu,*

dok su ostali članovi grupe i to

Amir Sušić i Aziz Čačković, kao odgovorne osobe i članovi grupe, u svrhu ostvarenja prethodnog cilja iskorištavali svoja ovlaštenja kao odgovorne osobe – v.d.direktora Rudnika soli, koja ovlaštenja su njima povjerena članom 19 i 133 Statuta društva gdje je propisano da direktor predsjedava upravom društva, rukovodi njenim poslovanjem, zastupa i predstavlja društvo i odgovara za zakonitost rada i poslovanja, članom 20 Pravilnika o nabavkama kojim je propisana procedura izbora najpovoljnijeg ponudjača te postupanje uprave i direktora Društva kod neprihvatanja prijedloga Komisije, i članom 3, stav 4 alineja 2 (opis poslova direktora) Pravilnika o radu gdje je propisano da direktor rukovodi radom uprave te predlaže nadzornom odboru imenovanje i razrješenja izvršnih direktora kao i da donosi pojedinačna akta u skladu sa općim aktima društva, te svjesni da iskorištavanjem svojih ovlaštenja drugom pribavljaju kakvu korist što su i htjeli, donošenjem odgovarajućih odluka, instrukcijama za postupanje u toku postupka javne nabavke uposlenicima i drugim članovima grupe, uputama ponudjaču Mining&Drilling o potrebnoj dokumentaciji za učešće na tenderu, te savjetima za umanjenje ponudjene cijene, stvarali pretpostavke za izbor privrednog društva Mining&Drilling kao najpovoljnijeg ponudjača, iako navedeno privredno društvo u vrijeme raspisivanja javnog poziva za dostavljanje dokumentacije za Tender- izvođenje radova na istražno eksploatacionim bušotinama u Rudniku soli u više navrata a niti u vrijeme izbora

istih kao najpovoljnijih ponudjača, **nisu ispunjavali sve uslove utvrđene u Tenderu jer nisu imali potrebnu opremu onako kako je to bilo opisano članom 7 Tendera, a niti su imali zaposlene stručne i osposobljenje ljude za izvođenje takvih radova jer je to pravno lice imalo samo jednog zaposlenika od najmanje 17 zaposlenika koliko je potrebno za kontinuirano izvođenje radova i realizaciju postavljenog zadatka ;**

Amir Tursunović, kao odgovorna osoba član grupe i kao Predsjednik Nadzornog odbora, sa ovlaštenjima propisanim članom 118 Statuta Rudnika soli Tuzla kojim je propisano da je Nadzorni odbor nadležan za nadziranje rada uprave Društva te odobravanje odluka strateškog karatekera, svjestan da ne obavlja svoje propisane dužnosti da kao odgovorno lice vrši nadzor nad radom uprave društva i posebno u donošenju odluka strateškog karaktera a što izbor najpovoljnijeg ponudjača za istražno eksploatacione bušotine jeste, koju dužnost nije činio u cilju zaštite interesa društva nego sa ciljem da drugom pribavi kakvu korist što je i htio, pa je tako omogućio v.d. direktoru i članu grupe Čačković Azizu kao nosiocu izvršnih ovlaštenja da, suprotno Pravilniku o radu u Rudniku soli, licima koja su zamjenjivala izvršne direktore dodijeli izvršna ovlaštenja kod donošenja odluka o izboru najpovoljnijeg ponudjača u postupku nabavke, bez koje odluke ne bi moglo doći do drugog kruga pregovaranja kod izbora najpovoljnijeg ponudjača, čime su stvorene pretpostavke i omogućeno dalje učešće društva Mining&Drilling u Tenderu i kasniji izbor iako su u toj fazi morali biti isključeni iz dalje procedura izbora;

Fežić Suad i Nermin Uljić kao odgovorne osobe i članovi grupe, kao članovi Komisije zadužene za provjeru kredibilitnosti ponudjača Mining&Drilling shodno ovlaštenjima iz Odluke v.d.direktora Čačković Aziza o upućivanju na službeni put broj 02-20/20-6059 od 22.12.2020.godine, koja ovlaštenja su se odnosila na provjeru tehničke opremljenosti i stručne i kadrovske osposobljenosti za realizaciju Tenderskih uslova, svjesni da ne obavljaju svoje službene dužnosti koje su im date Odlukom direktora Društva, pri čemu su to radili sa ciljem da bi drugom pribavile kakvu korist, što su i htjeli, prilikom kontrole ispunjavanja potrebnih materijalnih i kadrovskih potencijala firme Mining&Drilling za dalje učešće na tenderu, u izvještaju od 25.12.2020.godine upućenog v.d.direktora Azizu Čačkoviću, potvrdili da isti ispunjavaju sve potrebne uslove Tendera u pogledu posjedovanja potrebne opreme i ljudskih potencijala za realizaciju projektnog zadatka iako su znali da društvo Mining&Drilling ne posjeduje traženo, na koji način su firmi Mining&Drilling omogućili dalje učešće na tenderu;

dok je **Asmir Hasić** kao tadašnji ministar privrede u Vladi Tuzlanskog kantona, kao službena osoba koja se nalazi na čelu Ministarstva koje vrši neposredni nadzor nad radom Rudnika soli Tuzla i nad kojim ima izvršna ovlaštenja u pogledu davanja saglasnosti na poslovanje tog privrednog društva te kadrovske i druge promjene u društvu sa većinskim državnim kapitalom, svjestan da posreduje koristeći svoj službeni i uticajni položaj da odgovorna osoba u instituciji u Federaciji izvrši neku službenu radnju što je i htio, tako stvorenim službenim i uticajnim položajem trgovao na načini da je odgovorne osobe u Rudniku soli i to v.d. direktora Rudnika soli Aziza Čačkovića tražio da se omogući drugi krug pregovaranja i odabira najpovoljnijeg ponudjača po tenderu za istražno eksploatacione bušotine u Rudniku soli što je isti i učinio;

pa su tako:

2. U prvom dijelu realizacije kriminalnog plana,

nakon što je u periodu od **27.02.2019. godine do 20.05.2019.godine** u Rudniku soli obustavljena procedura izbora najpovoljnijeg ponudjača za eksploataciono-istražne bušotine na kojoj su učestovali **Mining&Drilling** iz Gračanice, sa konačnom ponudom od **6.843.439 KM**, te **Petrol doo Slovenija** sa konačnom ponudom od 7.153.835,55 KM, oba bez PDV-a, iz razloga ***što ponudjeni novčani iznosi nisu u skladu sa planom poslovanja Rudnika soli za 2019.godinu***, gdje je za navedenu poziciju 1.4.2 Bušenje i opremanje **tri nove istražno-eksploatacione bušotine** bio **planiran iznos od 2.500.000,00 KM**, a koje ponude su bile po **znatno višim cijenama** u odnosu na dotadašnje poslove bušenja istražno eksploatacionih bušotina koje je izvodila njemačka firma **THYSSEN** u periodu maj 2016 – novembar 2018.godine i to **za iznos od cca 5,6 miliona KM** (bez PDV-a) **za 9 bušotina**, iako su poslovi bušenja bili prioritetni i zbog kojih su zavisile dalje proizvodne aktivnosti važnih privrednih društava u TK-a, i to Fabrike Sode iz Lukavca i Fabrike Soli iz Tuzle,

2.1. **Mujkić Atif i Mujkić Dženan** u periodu ***od 18.09.2019.godine do kraja decembra 2019.godine***, u Gračanici, *preko posrednika ostvarili prve kontakte sa **Bijedić Enverom** kada je dogovoreno formiraje udruženja radi ostvarivanja koristi njihovoj pomenutoj firmi*, i nakon što su isti kod Bijedić Envera formirali svijest i volju za izvršenjem krivičnog djela na dogovoreni način, onda je Bijedić Enver, svjestan da svoj uticajni položaj koristi da odgovorna osoba u Federaciji izvrši službenu radnju a što je i htio, za realizaciju kriminalnog plana prvobitno zadužio Sušić Amira a kojeg je, koristeći svoje ovlasti kao predsjednik političke partije u kojoj su se nalazila sva druga zadužena lica, putem odgovarajućih odluka Vlade TK i Nadzornog odbora Rudnika soli Tuzla, u kojem se nalazio **Amir Tursunović** na mjestu Predsjednika Nadzornog odbora, predložio, a Vlada TK dala saglasnost i Nadzorni odbor dana 27.12.2019.godine i imenovano na mjesto v.d. direktora Rudnika na period od 6 mjeseci, u kojem je trebalo da se provedu dogovorene aktivnosti, pa je

2.2. **Amir Sušić**, svjestan da svoja ovlaštenja direktora kao odgovorne osobe iskorištava u cilju da Mujkić Atifu i Mujkić Dženanu pribavi korist u vidu dodjelu ugovora o bušenju eksploataciono-istražnih bušotina a što je i htio, to i učinio na način da je, *postupajući suprotno odredbi člana 19 i 133 Statuta Rudnika soli Tuzla kojim je propisano da direktor zastupa i predstavlja društvo te da je odgovoran za zakonitost poslovanja društva, te člana 139 u kojem je propisano da je direktor dužan prijaviti svaki direktni ili indirektni interes u pravnom licu s kojim društvo ima ili namjerava stupiti u poslovni odnos što nije učinio*, te takodje svjestan da svojim radnjama provodi kriminalnu namjeru Envera Bijedića, odmah po preuzimanju funkcije direktora ***ostvario neposredne kontakte sa Mujkić Atifom i Dženanom, te se dana 29.01.2020.godine u TC Bingo u Tuzli sastao sa istim dogovarajući dalje aktivnosti u vezi sa budućim tenderom, te dana 13.02.2020.godine samovoljno u ime uprave Društva donio Odluku broj 02-02/20-663*** kojom se započinje proces nabavke bušenja i opremanja istražno-eksploatacionih bušotina B-82,B-83,B-103, B-41, B-51, i B-52 na ležištu kamene soli Tetima, ***znajući da Vlada TK nije dala saglasnost na Plan poslovanja Rudnika soli za 2020.godinu, po dogovoru i uputi Bijedić Envera ipak započeo sa procesom pripreme tenderske dokumentacije, dostavljajući isti na ocjenu, ne službama njegovog privrednog društva, nego odgovornoj osobi u pravnom licu Tehnopetrol doo Tuzla, pa nakon što je od strane Ministarstva privrede upozoren da je svako svoje postupanje koje se odnosi na raspolaganje imovinom Rudnika i raspisivanjem tendera i provodjenje procedure dužan uskladiti sa odlukama Vlade TK, te tražiti prethodnu saglasnost na iste odluke, isti to nije prihvatio, nego je samovoljno i dalje stvarao pretpostavke za trošenje javnog novca, nastojanjem da se tenderska dokumentacija i cijeli proces ubrza radi realizacije kriminalnog plana, pa kako se usprotivio zaključcima Vlade TK i političkim partijama koje participiraju u***

Vladi TK, to je onda **krajem marta 2020.godine** i smijenjen sa funkcije v.d. direktora Rudnika,

da bi;

3. U drugom dijelu realizacije kriminalnog plana:

Enver Bijedić, u periodu **od kraja marta 2020.godine do kraja septembra 2020.godine**, koristeći i dalje svoj prethodni uticajni položaj koji mu je omogućavao predlaganje i imenovanja članova svoje političke partije na mjesto direktora Rudnika soli, istu mogućnost ponovno iskoristio u navedenom kriminalnom cilju, **te je na mjesto v.d. direktora**, odmah nakon smjene Amira Sušića, **na novi period od 6 mjeseci, predložio, a Vlada TK dala saglasnost, i Nadzorni odbor imenovao Mujkić Mirnesa iz Banovića**, prema kojem je, svjestan i dalje da svoj uticajni položaj koristi da odgovorna osoba u Federaciji izvrši službenu radnju a što je i htio, izvršio uticaj te posredovao sa istim ciljem pa je direktor Mujkić, po njegovim uputama, nastavio sa započetim aktivnostima na raspisivanju tendera, **dok je u međuvremenu Enver Bijedić održao sastanak sa tim direktorom, kao i drugim podobnim članovima uprave i uposlenicima, na kojem je dogovoreno da se tender za bušotine dodijeli firmi Mining&Drilling iz Gračanice**, nakon čega je dana 29.04.2020. godine, kao neophodan uslov, raspisan tender za izradu pristupnih puteva za realizaciju budućeg tendera izrade eksploatacionih bušotina, te da je bilo potrebno provesti dalju proceduru za glavni tender,

ali da se sa raspisivanjem tendera za izradu istražno-eksploatacionih bušotina zastalo zbog protivljenja drugih uposlenika Rudnika soli uslovima tendera, te je zbog toga, dana 17.06.2020. godine, u prostorijama političke partije Socijaldemokrati BH, Enver Bijedić održao sastanak sa Mujkić Atifom i Dženanom u vezi sa kašnjenjem tendera i dogovorenih aktivnosti, na kojem su takodje dogovorene dalje aktivnosti u vezi sa raspisivanjem tendera za bušotine, da bi Enver Bijedić, rukovodeći se dogovorom sa Mujkić Atifom i Dženanom,

dana 03.07.2020.godine, ponovno u prostorije stranke, pozvao sve uticajne osobe Rudnika i to v.d.direktora Mujkića, uposlenika Bijedić Džavida, predsjednika NO Amira Tursunovića, bivšeg direktora Amira Sušića, te NN lice imena Bego, na kojem su dogovorene dalje aktivnosti u vezi tendera, te od istih, znajući da nema efektivnu kontrolu nad svim učesnicima osim članova udruženja, zatražio da se tender raspiše što prije,

pa je **Mujkić Mirnes**, kao odgovorna osoba, **instistirao da se iz budućeg ugovora o dodjeli posla izbace pojedine odredbe, a posebno one koje se tiču izvođenja naknadnih radova, jer je bilo planirano da se za te radove troškovi mogu uvećati i do 20 % vrijednosti ugovora za razliku od dotadašnjih uvećanja od ne više od 5 %, što je predstavljalo i dio kriminalnog plana kod pribavljanja imovinske koristi društvu Mining&Drilling jer su tdi troškovi mogli iznositi i do milion KM u odnosu na vrijednost Tendera, ali se ostali članovi uprave Društva nisu s time složili,**

da bi Nadzorni odbor, na čelu sa Amirom Tursunovićem, dana 09.07.2020.godine donio odluku o davanju saglasnosti upravi Rudnika soli Tuzla za pokretanje postupka nabavke bušenja i opremanja istražno-eksploatacionih bušotina na ležištu kamene soli Tetima,

nakon čega je v.d.direktor **Mujkić Mirnes**, odmah nakon toga u ime uprave društva i raspisao predmetnu nabavku dana **23.07.2020.godine**, na koji **tender su se prijavila 2 značajna**

*ponudjača i to Mining&Drilling doo Gračanica iz Gračanice sa ponudom od 7.496.756 KM, bez PDV-a te Geops-Bolkan Drilling Services Ltd.Plovdin Bugarska (dalje: Bugarska firma) sa ponudom od 5.466.360 KM (bez PDV-a), pa kako je ponuda Bugarske firme bila **znatno povoljnija**, i kao takva je rušila sklopljeni dogovor o dodjeli posla firmi Mining&Drilling, to su onda **Mujkić Atif i Dženan, rukovodeći se ranijim dogovorom sa Bijedić Enverom, zatražili da se i Bugarska firma, iako je formalno ispunjavala tenderske uslove, isključi iz dalje procedure**, iako su i sami imali nedostatke u dostavljenoj dokumentaciji zbog koje su morali biti isključeni iz daljeg procesa, te je **Komisija za provodjenje tendera pod uticajem Bijedić Envera, nakon drugog kruga pregovora u kojem ponudjači nisu odustajali od svojih ponuda, zaključila da je i tenderska dokumentacija Bugarske firme nekompletna, iako su isti formalno dostavili svu potrebnu dokumentaciju**, te je dana **14.09.2020.godine, donesena odluka o obustavi daljeg postupka nabavke, nakon čega je Mirnes Mujkić podnio ostavku na mjesto direktora Rudnika soli**,*

*te je na njegovo mjesto **Enver Bijedić**, u periodu **od septembra 2020.godine do februara 2021.godine**, koristeći i dalje mogućnost predlaganja i imenovanja članova svoje političke partije na mjesto direktora Rudnika soli, istu mogućnost i iskoristio, te je na mjesto novog v.d. direktora, **krajem septembra 2020.godine, na novi period od 6 mjeseci, predložio, a Vlada TK dala saglasnost, i Nadzorni odbor imenovao za v.d. direktora Aziza Čačkovića** iz Tuzle, koji je, po uputama Envera Bijedića, nastavio sa započetim aktivnostima na raspisivanju novog tendera, te je*

4. U trećem dijelu realizacije kriminalnog plana:

***Aziz Čačković**, kao novi v.d. direktora Rudnika soli, pristupio prethodno formiranoj grupi, pri čemu je imao saznanja o njenom prethodnom djelovanju, te kao odgovorna osoba na mjestu v.d.direktora Rudnika soli Tuzla, svjestan da kao odgovorna osoba svoja ovlaštenja direktora iskorištava radi pribavljanja drugome kakve koristi a što je i htio, svoja ovlaštenja i iskoristio na način da je, *postupajući suprotno odredbama člana 20 Pravilnika o nabavkama Rudnika soli Tuzla, a gdje je propisano da je Direktor, ukoliko ne prihvati prijedlog Komisije da se izvrši nabavka od najpovoljnijeg ponudjača, dužan da o razlozima neprihvatanja izvijesti Upravu društva radi donošenja daljih odluka u vezi sa nabavkom, te člana 33, stav 4 Pravilnika o radu Rudnika soli Tuzla, kojim je propisano da u slučaju da izvršni direktor bude spriječen da obavlja poslove iz svoje nadležnosti da onda Direktor donosi odluku o privremenoj zamjeni na osnovu primopredajnog zapisnika izmedju lica kojem se privremeno predaje dužnost i izvršnog direktora sa obimom ovlaštenja, i sam postupajući po njemu poznatom ranijem planu Envera Bijedića da se pravnom licu Mining&Drilling iz Gračanice dodijeli ugovor o nabavci bušenja istražno-eksploatacionih bušotina na Tetimi Rudnika soli Tuzla, nakon što su Mujkić Atif i Bijedić Enver i u daljim međusobnim kontaktima koje su imali u dane 23. i 25.09.2020.godine, te u dogovorima izmedju **Bijedić Envera i Hasić Asmira, ministra u Vladi TK, koji su bili dana 24.09.2020.godine**, dogovorili dalje detalje u vezi sa realizacijom kriminalnog plana, i nakon što je Čačković Aziz odobrio da se pojedine odredbe tendera, u pogledu ispunjavanja uslova koji se tiču reference za izvođenje radova na bušotinama, izmijene i prilagode povlaštenoj firmi Mining&Drilling iz Gračanice u dijelu potrebnih referenci za ranije radove na istim ili sličnim poslovima na način da se umjesto ranije obavljenih istih ili sličnih poslova taj uslov zamijeni izjavom o posjedovanju ljudskih potencijala koji su radili na takvim poslovima, zadržavajući pri tome i odredbu da se nepredvidjeni i naknadni radovi mogu uvećati i do 20 % vrijednosti ugovora za razliku od dotadašnjih do 5%, postupajući po daljim uputama Envera Bijedića u pogledu dodjele**

planiranog izvođenja radova na istražno-eksploatacionim bušotinama firme Mining&Drilling iz Gračanice,

početkom novembra 2020.godine je Aziz Čačković raspisao novi tender za izvođenje istih radova na istražno-eksploatacionim bušotinama na ležištu kamene soli Tetima, sa rokom dostave dokumentacije do 23.11.2020.godine, da bi se za vrijeme trajanja tog tendera, dana 11.11.2020.godine on sastao sa Mujkić Atifom i Dženanom radi dogovora o uslovima iz tendera i potrebne dokumentacije, kao i upute za dalje postupanje, imenujući pri tome na mjesto predsjednika Komisije za provođenje tendera Igora Ilića, kao osobu od njegovog povjerenja, da bi;

nakon što su se na novi tender ponovno prijavile iste firme, kao i u ranijem tenderu, i to Mining&Drilling iz Gračanice i Geops-Bolkan Drilling Services Ltd.Plovdiv Bugarska, koji su sada dostavili skoro identične ponude kao i u ranijem tenderu, iako je firma Mining&Drilling znala za raniju ponudu Bugarske firme od 5.466.360 KM, te da je njihova ponuda skuplja za čak cca. 2 miliona KM, rukovodjena ranijim dogovorom svoju ponudu nije snizila nego je ostavila na nivou od cca 7,5 miliona KM, te je ponovno dostavila neodgovarajuću dokumentaciju za kvalifikovanog radnika, zbog čega su ranije izmijenjeni tenderski uslovi u njihovu korist, što ih je dodatno činilo nekvalifikovanim za dalje učešće,

da bi nakon toga ***Asmir Hasić*** kao službena osoba tadašnji Ministar privrede u Vladi TK, nakon što je u septembru 2020.godine obustavljen raniji tender za izvođenje radova na istražno-eksploatacionim bušotinama u Rudniku soli, ***dana 24.09.2021.godine održao sastanak sa Bijedić Enverom u ugostiteljskom objektu Tenis u Tuzli na kojem je postignut dogovor o zajedničkim aktivnostima na dodjeli budućeg tendera firmi Mining@Drilling iz Gračanice***, pa svjestan da posreduje koristeći svoj službeni i uticajni položaj ministra da odgovorna osoba u Institucijama u Federaciji izvrši neku službenu radnju što je i htio, nakon što je od Mujkić Atifa i Dženana putem posrednika Bešić Enesa iz Gračanice, zamoljen da utiče na odgovorne osobe u Rudniku soli da omoguće drugi krug pregovaranja, istim to obećao, te je početkom decembra 2020.godine od v.d. direktora Aziza Čačkovića kao odgovorne osobe, rukovodjen ranijim dogovorom sa Bijedić Enverom, zatražio da isti iznađe način i omogući provođenje drugog kruga pregovaranja u kojem bi firma Mining@Drilling mogla dalje nastupiti, ***uz obećanje da će svoju cijenu sniziti u odnosu na ponudu Bugarske firme, što je Aziz Čačković i učinio***

pa je Komisija, po uputama Aziza Čačkovića, naknadno prihvatila dopunjenu dokumentaciju firme Mining&Drilling kao validnu, iako je tenderska dokumentacija u pogledu ocjene ponuda glasila na najnižu cijenu tehnički zadovoljavajuće ponude, te iako je ponuda Bugarske firme bila tehnički zadovoljavajuća i po cijeni najniža i nije imala bilo kakav nedostatak u dokumentaciji, firmu Mining&Drilling nije isključila iz dalje procedure, nego je Čačković Aziz,

radi dalje ocjene ispunjenosti uslova tendera oba ponudjača i radi uvida u tehničku i kadrovsku opremljenost ponudjača, ***dana 30.11.2020.godine donio odluku o upućivanju radnika na službeni put***, koja odluka je predstavljala pravni osnov za sačinjavanje izvještaja o utvrđenom stanju kod firme ***Geops-Bolkan Drilling Services Ltd.Plovdiv Bugarska***, gdje je u ***izvještaju Komisije od 09.12.2020.godine utvrđeno da ista firma posjeduje svu tehničku opremu i stručnu i osposobljenu radnu snagu potrebnu za izvršenje usluga u kontinuitetu, pa nakon što je utvrđeno i ispunjenje ovih uslova, Aziz Čačković***

koristeći privremenu spriječenost za rad 3 izvršna direktora i to Okić Indire, Aldina Pašalica i Šabović Almira, sve radi donošenja odluke Uprave o odobrenju drugog kruga pregovaranja, na njihova mjesta privremeno imenovao Azru Poljić, Jasminu Kadrić te Selmu Goletić, koje shodno zapisniku o primopredaji dužnosti, nisu imale ovlaštenje za učešće u radu Uprave kod donošenja važnih odluka, nego samo za zastupanje izvršnih direktora za tekuće poslove, da bi dana 11.12.2020. godine donio Odluku o davanju posebnih ovlaštenja navedenim zamjenama izvršnih direktora te iste ovlastio da mogu učestovati u radu Uprave i donositi valjane odluke, te je na 78. sjednici Uprave društva od 14.12.2020. godine, pod uticajem direktora Čačković Aziza, donesena odluka o prihvatanju prijedloga komisije da se ide u pregovarački postupak, sa svim ponudjačima koje su učestvovala u prvom krugu i pored činjenice da je samo bugarska firma bila kvalifikovana za obavljanje poslova bušenja.

o čemu je upoznao i ***Amira Tursunovića***, kao odgovorno lice Predsjednika Nadzornog odbora, koji je, svjestan da neobavljanjem svojih službenih dužnosti drugom pribavlja kakvu korist, što je i htio, postupajući suprotno odredbi člana 118, stav 1, tačka b) Statuta Društva kojim je propisano da Nadzorni odbor nadzire rad Uprave, te odobrava odluke strateškog karaktera, a koja Odluka o izboru najpovoljnijeg ponudjača po objavljenom Tenderu svakako jeste, te svjestan da je davanje takvih ovlaštenja v.d. direktora Čačkovića suprotno Pravilniku o radnim odnosima, ***rukovodeći se ranijim kriminalnim planom i svojom ulogom kao predsjednik Nadzornog odbora, pa i pored toga nije onemogućio v.d. direktora Čačkovića u njegovoj namjeri da, suprotno Pravilniku o radu u Rudniku soli, licima koja su zamjenjivala izvršne direktore dodijeli izvršna ovlaštenja kod donošenja odluka o izboru najpovoljnijeg ponudjača u postupku javne nabavke, bez koje odluke ne bi moglo doći do drugog kruga pregovaranja kod izbora najpovoljnijeg ponudjača, čime su stvorene pretpostavke i omogućeno dalje učešće društva Mining&Drilling u Tenderu i kasniji izbor iako su u toj fazi morali biti isključeni iz dalje procedura izbora;***

da bi;

Aziz Čačković prije otpočinjanja postupka drugog kruga pregovaranja, u cilju stvaranja pretpostavki za konačni izbor firme Mining&Drilling kao najpovoljnijeg ponudjača, dana 22.12.2020.godine donio novu Odluku o upućivanju radnika na službeni put sa jasnom uputom za dva člana Komisije i to Uljić Nermina i Fejzić Suada za potvrđivanje ispunjenosti svih uslova i od strane te firme, pa nakon što su isti dana 23.12.2020.godine, zajedno sa trećim članom Komisije zaduženom za utvrđenje ekonomskih uslova, izvršili obilazak firme Mining&Drilling, svjesni da kao odgovorne osobe na osnovu ovlaštenja koja su im dodijeljena Odlukom broj 02-20/20-6059 od 22.12.2020.godine, koja su se odnosila na utvrđivanje potrebnih uslova utvrdjenih u Tenderu od tog ponudjača, ne obavljaju svoje službene dužnosti date navedenom odlukom, te firmi Mining&Drilling pribavljaju korist u vidu omogućavanja daljeg učestvovanja u drugom krugu tendera što su i htjeli, u postupku utvrđivanja ispunjenosti materijalno tehničkih i kadrovskih potencijala za izvršenje budućeg projektnog zadatka iz Tendera odnosno bušenja na istražno eksploatacionim bušotinama u Rudniku soli, potvrdili da ta firma posjeduje cjelokupnu opremu i stručne i osposobljene ljudske potencijale za izvođenje takve vrste radova, iako na terenu nisu pronašli niti potrebnu cjelokupnu opremu niti uposlenike za realizaciju takvog zadatka, jer je pravno lice Mining&Drilling u to vrijeme imalo samo jednog zaposlenika od potrebnih najmanje 17 za nesmetano odvijanje proizvodnog procesa, dovodeći u zabludu ostale članove Komisije za provođenje tendera kod predlaganja najpovoljnijeg ponudjača;

nakon čega su u drugom krugu pregovaranja

Mujkić Atif i Dženan, **po uputama Asmira Hasića te Bijedić Envera i Čačković Aziza**, shvativši da drugačije ne mogu biti izabrani kao najpovoljniji ponudjači i da ne mogu ostvariti dobit u razlici cijene od cca 1,9 miliona KM, svoju ponudu umanjili na iznos od **4.630.752,00** (bez PDV-a) KM, što predstavlja umanjjenje od cca 3 miliona KM u odnosu na prvobitnu ponudu, dok je Bugarska firma svoju ponudu umanjila na iznos **5.585.046,46** KM (bez PDV-a), nakon čega je firmi Mining&Drilling **dana 18.01.2021.godine** dodijeljen ugovor za izvođenje radova bušenja i opremanja istražno-eksploatacionih bušotina na ležištu kamene soli Tetima i koji je potpisan dana 12.02.2021.godine na koji način je Mujkić Atifu i Dženanu te pravnom licu Mining&Drilling pribavljena korist u vidu izbora najpovoljnijeg ponudjača za istražno-eksploatacione bušotine u Rudniku soli Tuzla

Dakle,

Bijedić Enver udružio više osoba u cilju činjenja krivičnih djela propisanih zakonom u Federaciji, a za takvo udruživanje radi činjenja pojedinih krivičnih djela nije propisano posebno kažnjavanje, te koristeći svoj društveni i drugi uticajni položaj posredovao da odgovorna osoba u instituciji u Federaciji izvrši neku radnju

Mujkić Atif i Mujkić Dženan umišljajno podstrekli drugoga na izvršenje krivičnih djela;

Amir Tursunović postao članom udruženja u cilju činjenja krivičnih djela propisanih zakonom u Federaciji a za takvo udruživanje radi činjenja pojedinog krivičnog djela nije propisana posebna kazna, te kao odgovorna osoba ne obavljanjem svojim službenih dužnosti drugom pribavio kakvu korist

Amir Sušić, postao članom udruženja u cilju činjenja krivičnih djela propisanih zakonom u Federaciji a za takvo udruživanje radi činjenja pojedinog krivičnog djela nije propisana posebna kazna, te kao odgovorna osoba iskoristio svoj službeni položaj te drugom pribavio kakvu korist

Aziz Čačković postao članom udruženja u cilju činjenja krivičnih djela propisanih zakonom u Federaciji a za takvo udruživanje radi činjenja pojedinog krivičnog djela nije propisana posebna kazna, te kao odgovorna osoba iskoristio svoj službeni položaj te drugom pribavio kakvu korist

Asmir Hasić koristeći svoj službeni, društveni i drugi uticajni položaj posredovao da odgovorna osoba u instituciji u Federaciji izvrši neku radnju;

Fejzić Suda i Uljić Nermin, postali članom udruženja u cilju činjenja krivičnih djela propisanih zakonom u Federaciji a za takvo udruživanje radi činjenja pojedinog krivičnog djela nije propisana posebna kazna, te kao odgovorne osobe ne obavljanjem svojim službenih dužnosti drugom pribavili kakvu korist

Čime su počinili krivična djela i to:

- ✓ **BIJEDIĆ ENVER**, krivično djelo **Udruživanje radi činjenja krivičnih djela** iz člana 340, stav 1 KZ-a FBiH (opisano pod tačkom I-1) u sticaju sa krivičnim djelom **Primanje dara**

ili drugih oblika koristi za trgovinu uticajem iz člana 382, stav 2 i u vezi sa članom 54 KZ-a FBiH (opisano pod tačkom tačke I-2), 3) i 4))

- ✓ **SUŠIĆ AMIR**, krivično djelo *Udruživanje radi činjenja krivičnih djela iz člana 340, stav 2 KZ-a FBiH (opisano pod tačkom I-1) u sticaju sa krivičnim djelom Zloupotreba položaja ili ovlaštenja iz člana 383, stav 1 u vezi sa članom 28 i 54 KZ-a FBiH (opisano pod tačkom I-2.2.)*
- ✓ **MUJKIĆ DŽENAN**, krivično djelo *Udruživanje radi činjenja krivičnih djela iz člana 340, stav 1 KZ-a FBiH (opisano pod tačkom I-1)) u sticaju sa krivičnim djelom Primanje dara ili drugih oblika koristi za trgovinu uticajem iz člana 382, stav 2 sve u vezi sa članom 32 i 54 KZ-a FBiH (tačke I, I-2), 3) i 4)*
- ✓ **MUJKIĆ ATIF**, krivično djelo *Udruživanje radi činjenja krivičnih djela iz člana 340, stav 1 KZ-a FBiH (opisano pod tačkom I-1)) u sticaju sa krivičnim djelom Primanje dara ili drugih oblika koristi za trgovinu uticajem iz člana 382, stav 2 sve u vezi sa članom 32 i 54 KZ-a FBiH (tačke I-2), 3) i 4)*
- ✓ **AMIR TURSUNOVIĆ**, *Udruživanje radi činjenja krivičnih djela iz člana 340, stav 2 KZ-a FBiH (opisano pod tačkom I-1) u sticaju sa krivičnim djelom Zloupotreba položaja ili ovlaštenja iz člana 383, stav 1 i u vezi sa članom 54 KZ-a FBiH (tačka I-4.)*
- ✓ **ČAČKOVIĆ AZIZ**, krivično djelo *Udruživanje radi činjenja krivičnih djela iz člana 340, stav 2 KZ-a FBiH (opisano pod tačkom I-1) u sticaju sa krivičnim djelom Zloupotreba položaja ili ovlaštenja iz člana 383, stav 1 u vezi sa članom 54 KZ-a FBiH (opisano pod tačkom I-4)*
- ✓ **ASMIR HASIĆ** krivično djelo *Primanje dara ili drugih oblika koristi za trgovinu uticajem iz člana 382, stav 2 KZ-a FBiH (opisano pod tačkom I-4)*
- ✓ **FEJZIĆ SUAD** krivično djelo *Udruživanje radi činjenja krivičnih djela iz člana 340, stav 2 KZ-a FBiH (opisano pod tačkom I-1) u sticaju sa krivičnim djelom Zloupotreba položaja ili ovlaštenja iz člana 383, stav 1 i u vezi sa članom 54 KZ-a FBiH (opisano pod tačkom I-4)*
- ✓ **ULJIĆ NERMIN** krivično djelo *Udruživanje radi činjenja krivičnih djela iz člana 340, stav 2 KZ-a FBiH (opisano pod tačkom I-1) u sticaju sa krivičnim djelom Zloupotreba položaja ili ovlaštenja iz člana 383, stav 1 i u vezi sa članom 54 KZ-a FBiH (opisano pod tačkom I-4)*

DA SE OSUMNJIČENIM IZREKNU SLJEDEĆE MJERE SIGURNOSTI I TO:

Predlažem da se osumnjičenim, na osnovu člana 76 KZ-a FBiH, IZREKNU sigurnosne mjere i to:

- **Mujkić Atifu i Mujkić Dženanu** zabranu obavljanja dužnosti odgovorne osobe u pravnim licima;
- **Amiru Tursunoviću, Amiru Sušiću i Azizu Čačkoviću** zabrana obavljanja odgovornih dužnosti u pravnim licima sa većinskim državnim kapitalom;

- Asmiru Hasiću zabrana obavljanja dužnosti službene osobe (ministra ili drugog državnog službenika) u organima uprave i drugim stručnim službama u organima uprave kao i zabranu obavljanja dužnosti savjetnika u organima uprave i drugim stručnim službama u organima uprave
- Fejzić Suadu i Uljić Nerminu zabranu obavljanja dužnosti odgovorne osobe u pravnim licima sa pretežnim državnim kapitalom;